



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1553. usque ad annum 1557

**Fleury, Claude**

**August. Vind. [u.a.], 1771**

**VD18 9011857X**

§. 77. Alterum diploma per Jesuitas a Rege obtentum.

---

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

## §. LXXVII.

Sæcul. XVI.

A. C. 1554.*Alterum diploma per Jesuitas a Rege  
obtentum.*

Itaque Jesuitæ hujus tempestatis vim patienter tolerabant, verum progressu temporis, cum sententiæ a Procuratore Generali pronuntiatae descriptum haberent exemplar, ac aliunde ipsis sat perspectum esset, quod Henricus Rex a Cardinale Lotharingio permotus eorum Institutum plurimi haberet, hinc ipsum Regem supplices accedebant, nec irritum etiam successu; hic enim certior factus, quod Senatus primum diploma ad acta referre constanter recusaret, alterum diploma addito hoc verbo: *iterato*: Jesuitis concessit, eoque declaravit, quod neglecto Regionum Ministrorum judicio, atque insuperhabitis rationibus forte proponendis primum diploma confirmari velit, ac postulet, cunctis oppositionibus nihil valituris. Verum hæc ipsa Regis jussa unice ad Senatum, Regiosque Ministros magis exacerbandos conferebant; nam illi, quod nulla ad eorum sententiam ratio haberetur, querebantur, ac propterea suo se inhæsurus judicio, palam profitebantur, totiusque negotii executionem, quantum poterant, protrahebant. Rex cum tandem causam decidi urgeret, Senatus hoc An-

Bouhours  
l. 5. p. 412.

Sæcul. XVI.  
A.C. 1554.

no millesimo quingentesimo quinquagesimo quarto die tertia Augusti hanc sententiam pronuntiavit, vi cuius, priusquam ulterius procederet, fanciebat, quod hujus Instituti Bullæ, necnon illius approbatio unacum Regis diplomate, eo quod hæc causa præcipue Religionem concerneret, Eustachio Belayo Parisiensi Episcopo æque, ac Theologicæ Facultatis Decano committerentur: ambo autem hac super re ad Curiam referrent, ut hæc desuper audiri, mentemque suam aperire valeat.

§. LXXVIII.

*Parisiæ Facultatis Theologicæ decretum contra Jesuitas.*

*Bouhours*  
*l. 5. p. 413.*  
*Orland. hist.*  
*Soc. Jesu*  
*l. 14. n. 51.*  
*l. 15. n. 33.*  
*34. & 45.*  
*Argentre*  
*p. 194.*

Pronuntiata hac sententia Episcopus hosce Patres minime esse recipiendos opinabatur, exponens, quod eorum institutum Episcoporum juribus, necnon pactis Pontifices inter, & Galliarum Reges initis adversaretur. Quinimo Facultatis Decanus adhuc ad duriora processit, nec suam sententiam in pleno confesso exposuisse contentus insuper Doctores convenire iussit, ac die prima Decembris sequens decretum promulgari præcepit: *Hæc nova Societas insolitam Nominis Jesu appellationem peculiariter sibi vindicans tam licenter, & sine delictu quaslibet personas quantumlibet facinorosas,*